

武進惲鐵樵遺著

藥盒醫學叢書

永嘉馬氏題

第四輯 (下) 金匱翼方選按

風勞鼓病論

武進惲鐵樵遺著

藥盒醫學叢書

永泰馬氏題

第四輯 (下) 金匱翼方選按 風勞鼓病論



南京中医药大学图书馆版权所有

藥盒醫學叢書全集

分輯
總目

- | | | | | | | | |
|-----------|-------------------------------|---------------------------|-------------------------------------|-------------------------|--------------------------------|------------|------------|
| 第一輯：文論醫苑集 | 第二輯：傷寒經見智錄
溫病論研智錄
熱病明理學 | 第三輯：生脈理新語
脈理發微
病理各論 | 第四輯：臨證筆記
臨證演講
金匱翼方選按
風勞鼓病論 | 第五輯：保赤新書
婦科大略
論藥集 | 第六輯：十二經穴病候撮要
神經系病理治要
麟爪集 | 第七輯：傷寒論輯義按 | 第八輯：藥盒醫案全集 |
|-----------|-------------------------------|---------------------------|-------------------------------------|-------------------------|--------------------------------|------------|------------|

★ 權 作 著 有 ★

藥盒醫學叢書

一九四八年五月初版
一九五四年二月再版

第四輯

臨證筆記 臨證演講錄
金匱翼方選按 風勞鼓病論

上下兩冊 定價二萬六千元

著者 武進 章巨 鐵樵
校者 江陰 章巨 鐵樵
發行者 上海（九）牯嶺路人安里十四號
印刷者 章巨 膺醫家
代售處 電話：九〇六七七
民友印書社
上海合肥路一一七弄二六號
千頃堂書局
上海漢口路二九六號
中醫書局
上海山東中路二六號
上海海書局
上海自忠路泰和坊

武進惲鐵樵著

藥盒醫學叢書第四輯之三

金匱翼方選按

受業江陰章巨膺參校

藥盒醫學叢書第四輯之三

金匱翼方選按目次

卷一

導言.....一

諸風統論.....三

中風八法.....三

擬五藏中風分治方.....一八

中風失音不語.....一三

口眼喎斜.....二七

偏風.....二八

歷節痛風.....一九

鶴膝風

三三

風緩

三五

風瘙痒

三八

卷二

諸濕統論

四一

散濕之劑

四三

滲濕之劑

四五

下濕之劑

四七

卷三

膈噎反胃統論

五一

痰膈

五四

血膈.....五九

氣膈.....六二

蟲膈.....六四

卷四

黃疸.....七一

穀疸.....七三

酒疸.....七九

女勞疸.....八〇

陰黃.....八一

虛黃.....八八

表邪發黃.....八八

急黃.....九〇

卷五

消渴統論.....九一

藥盒醫學叢書第四輯之三

金匱翼方選按卷一

武進惲鐵樵著

受業江陰章巨膺參校

導言

余初著金匱方論。因其方與實地經驗所見之病症不合者頗多。故多所攻擊。既而悔之。已成兩萬字。棄去不錄。重爲此書。此雖後賢所爲。然其方亦曾經過數十百次經驗。比較切于實用。用意比較容易了解。方法比較容易學步。門類亦全備。固是學者必讀之書。得此一編。則方藥運用。都有根據。徒有理論。不能用藥。不可以爲醫也。守一先生之說。能運用數十味藥。能治數十種病。方法不詳備。不足以應世也。惟舊籍挈症。都不可爲訓。說病既不詳。用藥亦無標準可言。學者執死書。治活病。畫依樣葫蘆。愈病什一。殺人什九。且殺人而不自知。是

有書等于無書。私意以爲是有改革之必要。今茲所爲。錄其必要者。節其不必
要者。詳其所知者。闕其所不知者。務使挈症詳明。藥有標準。治病方法。與他書
中理論如桴鼓之相應。則活書應活病。庶幾所造就者有可觀矣。以余之譾陋。
平心論之。經驗亦尙苦不充。此書不能完備。自不待言。然而毅然爲此。不復猶
豫者。葦路藍縷云爾。先河後海。是有待于後來。

諸風統論

中風八法

一開關。卒然口噤目張。兩手握固。痰壅氣塞。無門下藥。此爲閉症。閉則宜開。不開則死。搖鼻。揩齒。探吐。皆開法也。

聖濟白礬散。治急中風口閉涎上欲垂死者。

白礬二錢 生薑一錢連皮搗水二升煎取一升二合

右二味合研。瀘分三服。旋旋灌之。須臾吐出痰毒。眼開風退。方可服諸湯散救治。若氣衰弱不宜吐之。（按此方以白礬涌泄爲主。佐入生薑。辛以開之也。）

又方 白礬如拇指大一塊爲末 巴豆二粒去皮膜

將右二味于新瓦上煨。令赤爲度。煉蜜丸。芡實大。每用一丸。綿裹放病人口

中近喉處良久吐出痰立愈。

（按巴豆爲斬關奪門之將。用佐白礬以吐

痰。因其性猛烈。故蜜丸含化。是急藥緩用之法。）

一方加皂角一錢。煨研。取三分吹入鼻中。

鐵樵按。中風從寒化者。脣舌都潤。舌質不紅。口液奇多。喉間痰聲漉漉。目瞑。或雖張而無神。其眼球不能自由轉動。左側臥則目向左。右側臥則目向右。此在舊醫書謂之目連搭。其舌常萎縮。此種因三叉神經麻痺。滑車神經與舌咽神經都是其分枝。詳神經系病理治療。惟其如此。所以舌萎。目連搭。會厭之肌肉亦不能自由運動。故痰聲漉漉而不能吐。凡猝然中風。卽見此種症象者。當用辛溫下降。如乾薑附子吳萸之類。當用有刺激性之藥。使麻痺之神經得蘇醒。則痰涎自出。第一方白礬生薑。其生薑一味。卽是富有刺激作用。第二方巴豆所謂斬關奪隘。因此藥能嘔能瀉。其性奇悍。食停上膈之結胸症。用此可以取

效。惟只宜用巴豆霜。且只能以厘計。至多到一分。至于中風。其癰結是神經麻痺。照此用法。開關是否有效。未經試驗。惟既經煨過。用量又少。當然無害。此後尚有急救稀涎散及勝金丸兩方。都不甚好。稀涎散用猪牙皂角明礬。此種藥只宜擦牙。不宜內服。勝金丸用藜蘆。尤其凶悍。都屬可商。經驗上用之而有效者。最好是蘇合香丸。開關云者。指猝中之後。最初用藥而言。蘇合香丸能刺激神經。亦能令病者嘔吐。凡用一丸。溫開水化。灌入病人口中。如不能咽。可聽其徐徐滲入。無論見寒化症象。熱化症象。都可用。寒化者可加薑。

二固脫 猝中之候。但見目合口開。遺尿自汗者。無論有邪無邪。總屬脫症。脫則宜固。急在元氣也。元氣固。然後可以圖邪氣。

參附湯 人參 製附子

用參須倍于附。或等分。不拘五錢或一兩。酌宜用之。薑水煎服。有痰加竹瀝。

鐵樵按。所謂脫。是渙汗遺尿。目無神。若萬分危急。可用艾灸關元氣海。艾炷如蓮子大。隔薑一片。約至少三壯。多至七壯。關元在臍下一寸半。氣海在臍下三寸。參附湯爲急救之法。藥止二味。取其力專效速也。

三泄大邪 昔人謂南方無真中風。病多是痰火氣虛所致。是以近世罕有議解散者。然其間賊風邪氣。亦間有之。設遇此等。豈清熱益氣理痰所能愈者。續命諸方。所以不可竟廢也。

小續命湯 麻黃 川芎 桂枝 防己 杏仁 黃芩 芍藥 附子

甘草 防風 人參

三化湯 厚朴 枳實 大黃 羌活

肘後方 雞屎 大豆 防風

荊芥散 荊芥一味略炒爲末

華陀愈風散。治婦人產後中風。口噤。手足痠癱如角弓。或產後血暈。不省人事。四肢強直。或心眼倒築。吐瀉欲死者。亦只此一味。微炒爲末。每服三錢。豆淋酒調服。或童子小便服之。口噤則抉齒灌下。藥下如神。王貺指迷方加當歸等分。水煎服。

豆淋酒法 黑豆二升。熬令聲絕。酒二升。納鍋中。急攪。絹濾取清。頓服取汗。鐵樵按。以上諸方。與現在所見中風症。完全不合。中風熱化者。多屬肝胆上逆症。寒化者。多屬濕痰或中毒性。其癥結則經神爲病。絕對不是麻黃桂枝人參附子可治之病。余頗致疑于金匱方不可用。卽是因此。假使有表證。而當用麻桂。有虛症而當用參附。乃中風兼見之副病。決不能說小續命湯可以治中風。三化湯用大黃枳實厚朴。是因有積可知。羌活雖是風藥。不能謂有此一味。卽是治風之方。故余于原書挈症。悉數闕之。因此等舊說。無益于事。徒亂人意。且

中風之爲病。最顯著最多數之病原是飲酒多內。飲酒則神經可以中毒。多內則生殖腺早衰。以故中風多在五十左右。準此以談。是此病無有不兼虛弱性者。發汗攻下之藥。可以充佐使之選。斷不在主要之列。中風之意義是動作不仁。動作不仁。乃神經爲病。然則既云是風。便不是麻黃桂枝大黃等藥可治。且中風之原因多半是虛。卽有當用此等藥之副症。亦須審慎。

四轉大氣 大氣不息之眞氣也。不轉則息矣。故不特氣厥類中。卽眞中風邪。亦以轉氣爲先。經云。大氣一轉。邪氣乃散。此之謂也。

嚴氏八味順氣散 凡患中風者。先服此順養眞氣。次進治風藥。

人參一兩

白朮一兩

茯苓一兩

陳皮一兩

青皮一兩

烏藥一兩

白芷一兩

甘草半兩

右咬咀。每服三錢。水一盞。煎七分。溫服。

（按中風正氣虛。痰涎壅盛者。此

方主之。嚴用和曰。內因七情得者。法當調氣。不當治風。外因六淫得者。亦當治氣。後因所感六氣治之。

勻氣散 卽順風勻六氣。

白朮一錢

烏藥一錢

人參一錢

天麻一錢

沉香五分

青皮五分

白芷五分

木瓜五分

紫蘇五分

甘草五分

右剉作一貼。薑三片。水煎服。

（按此方卽前方去茯苓陳皮而加天麻紫

蘇。祛風疏表。沉香木香降下斂逆。法更周至。）

鐵樵按。以上兩方。都平正可用。但尙嫌其近乎國老藥。學者倘能明白病理。更能明白藥之效用。儘可不必泥定成方。

五逐痰涎。或因風而動痰。或因痰而致風。或邪風多附頑痰。或痰病有如風病。是以掉搖眩暈倒仆昏迷等症。風固有之。痰亦能然。要在有表無表。脈浮脈